



**Comune de Nughedu Santa**

**Vitòria**

Provintzia de Aristanis  
www.comunenughedusv.it

Sotziedade Cooperativa "L'altra  
Cultura"  
Operadore Sara Firinu

## Ammenta:

Su sardu est una limba neo-latina, ca benit dae su latinu, comente su catalanu, su corsu, su frantzesu, su friulanu, s'ispagnolu, s'italianu, su ladinu, su portoghesu, su rumenu.

Est faeddadu dae prus de unu millione de pessones in Sardigna e duncas est sa minoria linguistica prus manna de totu Itàlia. Sa limba sarda est amparada siat dae s'Istadu (Lege 482/99) siat dae sa Regione Sardigna (Lege 26/97) chi dant a su sardu sa matessi dignidade de s'italianu. Ma est gasi a beru? E si no est gasi, de chie est sa neghe?

## Cando a nde faeddare duas... est mègius!!

Sas limbas de minoria non bivent mai solas ma agiomai semper paris cun sa limba ufiziale. S'iscopu de sos istados in ue si faeddant una limba de minoria est cussu de arribare a su bilinguismu, est a nàrrere chi ambas limbas, sardu e italianu, benint reconnotas a manera ufiziale dae s'istadu, ambas duas benint impreadas pro faeddare de cale si siat argumentu sena chi una potzat èssere considerata prus importante de s'àtera. Arribare a su bilinguismu diat chèrrere nàrrere a tènneru resurtados mannos pro nois sardos:

- s'impreu fitianu de ambas limbas dae parte de totus;
- su reconnoschimentu ufiziale de su sardu dae parte de s'Istadu Italianu;
- sa presèntzia de su sardu in cartellos, in sa toponomàstica e in cale si siat ratza de avisu;
- su bilinguismu in iscola;
- una cussèntzia noa chi nos permitat de bìdere su sardu comente limba e non prus comente dialetu de sa gente pagu istudiada.

Èssere e nàschere *bilingue* cheret nàrrere a tènneru una conca prus bona pro imparare, ammentare, repìtere, fintzas cando s'imparant àteras limbas.

E duncas..., proamus a fàghere su possìbile pro dare ufizialidade a sa limba nostra, pro bi pòdere arribare.. a custu bilinguismu. At à èssere unu càmину longu, custu, longu meda e prenu de ostàculos e dificultades de onni ratza;

## Comente iscrìere?

Sas limbas naschent in s'oralidade, s'imparant faeddende. Su sardu est istadu pro sèculos medas, limba faeddada ebbia. Sos conchistadores chi sunt arribados a s'isula nostra nd'ant batidu sa limba issoro; ant arrichidu e fintzas mudadu sa nostra e cumpliadu s'assetu de sa limba sarda.

Su sardu est unu ebbia, emmo. Ma bi sunt diferèntzias in sa manera de faeddare de nois sardos, bi sunt variantes diferentes. Cantas sunt? Fortzis una pro onni bidda de Sardigna!.

Agatare una manera de iscrìere chi potzat agradare a totus, normas ortogràficas chi siant coerentes cun totus sas variantes de su sardu no est fàtzile, ma mancu impossibile. Una limba chi est faeddada ebbia, mancat de carchi cosa, est una limba a metade, arriscat de iscumpàrrere.

Un'iscritu istandard assigurat uniformidade e coerèntzia a sa limba, dd'assigurat sa vida!.

### Su sardu iscritu: unu primu passu...

Linguistas cumpetentes incarrigados dae sa Regione Autònoma de Sardigna ant agatadu una variedade iscrita, unas cantas normas ortogràficas de riferimentu, isperimentales e semper abertas a cale si siat annanta o cambiamentu. Sunt nàschidas pro su limbàgiu amministrativu ma, a contos fatos, serbint a totus. E comente diat èssere sena unu pagu de coerèntzia cando iscrivimus?.

Si onniunu iscriet comente prus dd'agradat, ite nde podet essire a pìgiu? Una limba nono, de seguru!!!.

Ma custas normas ortogràficas.... nos agradant?

Assimigiant a cussas de bidda nostra?

Pagu importat como, s'importante est chi nos potzant agiudare a iscrìere!.

Non ti nd'ismèntighes: serbint pro sa limba iscrita ebbia ca sas variantes locales sunt una richesa manna chi... devet sighire a bìvere ca nemos nos podet leare su deretu de faeddare comente amus semper fatu!.

## Carchi règula.....

### SOS PRONÙMENES

---

Sa paraula "pronùmene" benit dae su latinu "*Pronomen*" e cheret nàrrere "a su postu de su nùmene" ma podet èssere impreada fintzas a su postu de àteras partes de su discursu.

#### Pronùmenes personales sugetu

benint impreados a su postu de sos nùmenes e inditant sa pessone, animale o cosa chi faghet o subit s'atzione.

##### singulare

1 ^ pessone DEO

2 ^ pessone TVE / VOSTÈ

3 ^ pessone ISSU / ISSA / ISSE

##### plurale

1 ^ pessone DEO

2 ^ pessone TVE / VOSTÈ

3 ^ pessone ISSU / ISSA / ISSE

## Pronùmenes personales

### cumentu

s'impreant cando in sa frase su pronùmene non tenet funtzione de sugetu ma de:

- cumentu ogetu: *ddu fátzo immoe.*
- cumentu de tèrmine: *apo donadu unu fróre a issa.*
- Àteros cumentos indiretos: *Beni cun megus* (de cumpangia) – *traballo pro issu.*

Sos pronùmenes benint partzidos in duas ratzas:

### Formas tònicas o fortes

tzerriadas gasi ca tenent un'atzentu issoro e duncas leant importàntzia in sa frase. Podent èssere impreadas pro cumentos medas e, a su sòlitu, si ponent a pustis de su verbu. Ddas podimus agatare cun totus sos cumentos chi tenent una prepositzione in dae in antis:

*Penso a tie, chirco a issos, beni cun nois;*

### singulare

1^ **persone** De, pro, ...me/a mie/ cun megus

2^ **persone** De, pro, ...te / a tie / cun tegus

3^ **persone** A, cun, de, pro, ...isse /

issu/issa/vostè

### plurale

1^ **persone** A, cun, de, pro, ...nois

2^ **persone** A, cun, de, pro, ...bois

3^ **persone** A, cun, de, pro, ...issos / issas

## Formas àtonas o dèbiles.

tzerriadas gasi ca non tenent un atzentu issoro e sa pronùntzia s'arrimat a su verbu chi benit in antis. Sos pronùmenes àtonos o dèbiles sunt tzerriados fintzas partigheddas pronuminales ca si divent semper arrimare a su verbu e ddu podent pretzèdere (in custu casu sunt tzerriados *proclìticas*) o sìghere (in custu casu sunt tzerriados *enclìticas*).

*Lea◊ddu si t'agrada!* (enclìtica); *Saluda◊mi a fraje tuo* (enclìtica); *nos imparant a iscrìere* (proclìtica).

Cando sos pronùmenes àtonos sunt a pustis de su verbu, non s'iscrivent atacados, comente in italianu, ma benint separados cun unu puntu artu: *lea◊mi◊nche◊lu/ddu / nara◊si◊ddu*

Si sos pronùmenes benint in antis de su verbu, non b'at bisòngiu de pònneru su puntu artu: *Mi ddu/lu dant*

**singulare** Non riflessivu//Riflessivu

1^ **persone** Mi

2^ **persone** Ti

3^ **persone** Li/lu/la -ddi/ddu/dda// Si

### plurale

1^ **persone** Nos

2^ **persone** Bos

3^ **persone** Lis/los/las – ddis / ddos/ddas

// si

S'issèberu intre formas àtonas o tònicas dipendet:

- si si cheret dare importàntzia a su pronùmene s'impreat sa forma forte: *pro cussu postu ant leadu a mie;* (chie faeddat cheret nàrrere ca dd'ant preferidu a sos àteros).
- Si imbetzes non si cheret dare importàntzia a su pronùmene s'isseberat sa forma àtona; *M'ant leadu pro cussu postu.* (inoghe si cheret dare un'informatzione ebbia).

## Pronùmenes possessivos

serbint a inditare de chie est sa pessone, sa cosa, s'animale e benint impreados cando mancat su nùmene. Tenent sa matessi forma de sos **agetivos possessivos** chi, imbetzes, andant semper paris a su nùmene.

*Cussa domo est sa mia/mea, no est cosa issoro;*

*Sa màchina sua no est noa.*

## Pronūmenes e agetivos possessivos

### Singulare

1^ *peppone* Meu/miu – Mea/mia–Meos/mios–Meas/mias

2^ *peppone* Tuo / Tua/Tuos/Tuas

3^ *peppone* Suo /Sua /Suos /Suas

### Plurale

1^ *peppone* Nostru–Nostrā–Nostros– Nostrās

2^ *peppone* bostru–Bostrā–Bostros– bostrās

3^ *peppone* Issoro

## Pronūmenes indefinidos

tenent significados diferentes. Podent inditare una cantidade o un'unitade indefinida.

Ambos, cale si siat, calicunu, carchi, nemos, unos cantos/unas cantas, perunu/a, àteru/a/os/as, onniunu/a ognunu/a, međa/as, tropu, matessi, pròpiu/a/os/as.

## Pronūmenes interrogativos

serbint pro preguntare cosas chi pertocant sa calidade, cantidade e identidade de sa cosa, peppone o animale numenadu.

*Ite Ite ses ppende?*

*Chie Chie benit cun megus?*

*Cale, cales Cale cheres?*

*Cantu, canta, cantos, cantas Cantu abbastas in Sardigna?*

## Pronūmenes relativos

Custos pronūmenes podent èssere siat sugetu siat complementu ogetu.

### Chi

*Sa fèmina **chi** bendet tamata est amiga mia* > inoghe est sugetu ca est sa fèmina chi bendet.

*Sa fèmina **chi** bides, bendet tamata* > inoghe est complementu ca ses tue chi bides a sa fèmina.

## SU VERBU

Su verbu est sa parte prus importante de una frase; est fintzas una parte variabile de su discursu; inditatu s'atzione (chi podet èssere fata dae su sugetu o fata a su sugetu) e fintzas sa manera de èssere de peppones, cosas e animales.

Serbit a definire chie est su sugetu e fintzas cando s'atzione est istada fata, duncas su tempus (presente, passadu, benidore).

Su verbu a sa 3^ peppone, siat singulare siat plurale, finit semper cun sa "T" (*andat, papat, issu non faghet nudda*) mancaru sa pronuntzia siat diferente [*andad(a), papad(a), issu non fa(gh)e nudda*].

Sos modos de su verbu: podent èssere *Finidos* (indicativu, congiuntivu, cundizionale e imperativu) o *Indefinidos* (infinidu, partizipiu, gerundiu). Benint tzerriados indefinidos ca mancat s'inditu de sa peppone, de su tempus e de su nùmeru.

## SU VERBU ÈSSERE

### INDICATIVU

#### presente

Deo so  
Tue ses  
Issu / issa est  
Nois semus  
Bois seis  
Issos / issas sunt

#### imperfetu

Deo fia  
Tue fias  
Issu / issa fiat  
Nois fiamus  
Bois fiais  
Issos / issas fiant

#### Passadu pròssimu

So istadu  
Ses istadu  
Est istadu  
Semus istados-as  
Seis istados-as  
Sunt istados- as

#### Passadu imperfetu

Fia istadu  
Fias istadu  
Fiat istadu  
Fiamus istados-as  
Fiais istados-as

Fiant istados-as

### Futuru (Benidore)

Deo apo a èssere  
Tue as a èssere  
Issu / issa at a èssere  
Nois amus a èssere  
Bois ais a èssere  
Issos / issas ant a èssere

### CONGIUNTIVU

#### presente

Deo sia  
Tue sias  
Issu / issa siat  
Nois siamus  
Bois siais  
Issos / issas siant

#### Passadu

Deo sia istadu  
Tue sias istadu  
Issu / issa siat istadu-a  
Nois siamus istados-as  
Bois siais istados-as  
Issos / issas siant istados/as

### CUNDTZIONALE

#### Presente

Deo dia èssere  
Tue dias èssere  
Issu / issa diat èssere

Nois diamus èssere  
Bois diais èssere  
Issos / issas diant èssere

### Passadu

Deo dia èssere istadu  
Tue dias èssere istadu  
Issu / issa diat èssere istadu-a  
Nois diamus èssere istados-as  
Bois diais èssere istados-s  
Issos / issas diant èssere istados-as

### IMPERATIVU

#### Forma positiva

Sias  
Siat  
siamus  
Siais  
siant

#### Forma negativa

Non sias  
Non siat  
Non siamus  
Non siais  
Non siant

### INFINIDU

#### Presente Èssere

#### Passadu Èssere istadu

## GERÛNDIU

**Presente** Essende

**Passadu** Essende istadu

## PARTITZÏPIU PASSADU

Istadu

### SU VERBU ÀERE

A diferèntzia de s'italianu, in sardu su verbu "àere" non portat mai sa litera "h" in dae in antis ca non b'at perìgulu de ddu cunfùndere cun àteras paràulas, comente in italianu ("o" congiunzione, "ho" verbu);

## INDICATIVU

**Presente**

Deo apo

Tue as

Issu / issa at

Nois amus

Bois ais

Issos / issas ant

**Imperfetu**

Deo aia

Tue aias

Issu / issa aiat

Nois aiamus

Bois aiais

Issos / issas aiant

**Passadu pròssimu**

Deo apo àpidu

Tue as àpidu

Issu / issa at àpidu

Nois amus àpidu

Bois ais àpidu

Issos / issas ant àpidu

**Passadu imperfetu**

Deo aia àpidu

Tue aias àpidu

Issu / issa aiat àpidu

Nois aiamus àpidu

Bois aiais àpidu

Issos / issas aiant àpidu

**Futuru (benidore)**

Deo apo a àere

Tue as a àere

Issu / issa at a àere

Nois amus a àere

Bois ais a àere

Issos / issas ant a àere

**Futuru anteriore**

Deo apo a àere àpidu

Tue as a àere àpidu

Issu / issa at a àere àpidu

Nois amus a àere àpidu

Bois ais a àere àpidu

Issos / issas ant a àere àpidu

## CONGIUNTIVU

**Presente**

Deo apa

Tue apas

Issu / issa apat

Nois apamus

Bois apais

Issos / issas apant

**Passadu**

Deo apa àpidu

Tue apas àpidu

Issu / issa apat àpidu

Nois apamus àpidu

Bois apais àpidu

Issos / issas apant àpidu

## CUNDITIONALE

**Presente**

Deo dia àere

Tue dias àere

Issu / issa diat àere

Nois diamus àere

Bois diais àere

Issos / issas diant àere

**Passadu**

Deo dia àere àpidu

Tue dias àere àpidu

Issu / issa diat àere àpidu

Nois diamus àere àpidu

Bois diais àere àpidu

Issos / issas diant àere àpidu

## IMPERATIVU

### Forma positiva

Apas

Apat

Apamus

Apais

Apant

### Forma negativa

No apas

No apat

No apamus

No apais

No apant

## INFINIDU

Presente Àere

Passadu àere àpidu

## GERÛNDIU

Presente Aende

Passadu Aende àpidu

## PARTITZÌPIU PASSADU

Àpidu

## VERBOS IN -ARE:

### 1^ CONIUGATZIONE

## Cantare

*(comente finas: andare, istimare, faeddare, colare, leare, pesare, cumandare).*

## INDICATIVU

### Presente

Deo canto

Tue cantas

Issu / issa cantat

Nois cantamus

Bois cantades

Issos / issas cantant

### Imperfetu

Deo cantaià

Tue cantaias

Issu / issa cantaiat

Nois cantaiamus

Bois cantaiais

Issos / issas cantaiant

### Passadu pròssimu

Deo apo cantadu

Tue as cantadu

Issu / issa at cantadu

Nois amus cantadu

Bois ais cantadu

Issos / issas ant cantadu

## Passadu imperfetu

Deo aia cantadu

Tue aias cantadu

Issu / issa aiat cantadu

Nois aiamus cantadu

Bois aiais cantadu

Issos / issas aiant cantadu

## Futuru (Benidore)

Deo apo a cantare

Tue as a cantare

Issu / issa at a cantare

Nois amus a cantare

Bois ais a cantare

Issos / issas ant a cantare

## Futuru anteriore

Deo apo a àere cantadu

Tue as a àere cantadu

Issu / issa at a àere cantadu

Nois amus a àere cantadu

Bois ais a àere cantadu

Issos / issas ant a àere cantadu

## CONGIUNTIVU

### Presente

Deo cante

Tue cantes

Issu / issa cantet

Nois cantemus

Bois canteis

Issos / issas cantent

**Passadu**

Deo apa cantadu  
 Tue apas cantadu  
 Issu / issa apat cantadu  
 Nois apamus cantadu  
 Bois apais cantadu  
 Issos / issas apant cantadu

**CUNDITIONALE****Presente**

Deo dia cantare  
 Tue dias cantare  
 Issu / issa diat cantare  
 Nois diamus cantare  
 Bois diais cantare  
 Issos / issas diant cantare

**Passadu**

Deo dia àere cantadu  
 Tue dias àere cantadu  
 Issu / issa diat àere cantadu  
 Nois diamus àere cantadu  
 Bois diais àere cantadu  
 Issos / issas diant àere cantadu

**IMPERATIVU****Forma positiva**

Canta  
 Cantet  
 cantemus  
 Cantade  
 cantent

**Forma negativa**

Non cantes  
 Non cantet

Non cantemus  
 Non canteis  
 Non cantent

**INFINIDU**

**Presente** Cantare  
**Passadu** Àere cantadu

**GERÙNDIU**

**Presente** Cantende  
**Passadu** Aende Cantadu

**PARTITZÌPIU PASSADU** Cantadu**VERBOS IN -ERE: 2^****CONIUGATZIONE****Timere**

*(Comente finas: pèrdere, mòere, cùrrere, ecc).*

**INDICATIVU****Presente**

Deo timo  
 Tue times  
 Issu / issa timet  
 Nois timimus  
 Bois timides  
 Issos / issas timent

**Imperfetu**

Deo timia  
 Tue timias  
 Issu / issa timiat  
 Nois timiamus  
 Bois timiais  
 Issos / issas timiant

**Passadu pròssimu**

Deo apo tìmidu  
 Tue as tìmidu  
 Issu / issa at tìmidu  
 Nois amus tìmidu  
 Bois ais tìmidu  
 Issos / issas ant tìmidu

**Passadu imperfetu**

Deo aia tìmidu  
 Tue aias tìmidu  
 Issu / issa aiat tìmidu



Nois aiamus tìmidu  
Bois aiais tìmidu  
Issos / issas aiant tìmidu

#### **Futuru (benidore)**

Deo apo a tìmere  
Tue as a tìmere  
Issu / issa at a tìmere  
Nois amus a tìmere  
Bois ais a tìmere  
Issos / issas ant a tìmere

#### **Futuru anteriore**

Deo apo a àere tìmidu  
Tue as a àere tìmidu  
Issu / issa at a àere tìmidu  
Nois amus a àere tìmidu  
Bois ais a àere tìmidu  
Issos / issas ant a àere tìmidu

#### **CONGIUNTIVU**

##### **Presente**

Deo tima  
Tue timas  
Issu / issa timat  
Nois timamus  
Bois timais  
Issos / issas timant

##### **Passadu**

Deo apa tìmidu  
Tue apas tìmidu  
Issu / issa apat tìmidu  
Nois apamus tìmidu  
Bois apais tìmidu  
Issos / issas apant tìmidu

#### **CUNDTZIONALE**

##### **Presente**

Deo dia tìmere  
Tue dias tìmere  
Issu / issa diat tìmere  
Nois diamus tìmere  
Bois diais tìmere  
Issos / issas diant tìmere

##### **Passadu**

Deo dia àere tìmidu  
Tue dias àere tìmidu  
Issu / issa diat àere tìmidu  
Nois diamus àere tìmidu  
Bois diais àere tìmidu  
Issos / issas diant àere tìmidu

#### **IMPERATIVU**

##### **Forma positiva**

Time  
Timat  
Timamus  
Timide  
Timant

##### **Forma negativa**

Non timas  
Non timat  
Non timamus  
Non timais  
Non timant

#### **GERÙNDIU**

**Presente** Timende  
**Passadu** Aende tìmidu

#### **PARTITZÌPIU PASSADU**

Tìmidu

### **VERBOS IN -IRE: 3<sup>^</sup> CONIUGATZIONE**

#### **Finire**

*(comente finas: fuire, faddire, cosire)*

#### **INDICATIVU**

##### **Presente**

Deo fino  
Tue finis  
Issu / issa finit  
Nois finimus  
Bois finides  
Issos / issas finint

##### **Imperfetu**

Deo finia  
Tue finias  
Issu / issa finiat  
Nois finiamus  
Bois finiais  
Issos / issas finiant

##### **Passadu pròssimu**

Deo apo finidu  
Tue as finidu  
Issu / issa at finidu  
Nois amus finidu  
Bois ais finidu  
Issos / issas ant finidu

##### **Passadu imperfetu**

Deo aia finidu

Tue aias finidu  
Issu / issa aiat finidu  
Nois aiamus finidu  
Bois aiais finidu  
Issos / issas aiant finidu

### **Futuru (Benidore)**

Deo apo a finire  
Tue as a finire  
Issu / issa at a finire  
Nois amus a finire  
Bois ais a finire  
Issos / issas ant a finire

### **Futuru anteriore**

Deo apo a àere finidu  
Tue as a àere finidu  
Issu / issa at a àere finidu  
Nois amus a àere finidu  
Bois ais a àere finidu  
Issos / issas ant a àere finidu

### **CONGIUNTIVU**

#### **Presente**

Deo fina  
Tue finas  
Issu / issa finat  
Nois finamus  
Bois finais  
Issos / issas finant

#### **Passadu**

Deo apa finidu  
Tue apas finidu  
Issu / issa apat finidu

Nois apamus finidu  
Bois apais finidu  
Issos / issas apant finidu

### **CUNDTZIONALE**

#### **Presente**

Deo dia finire  
Tue dias finire  
Issu / issa diat finire  
Nois diamus finire  
Bois diais finire  
Issos / issas diant finire

#### **Passadu**

Deo dia àere finidu  
Tue dias àere finidu  
Issu / issa diat àere finidu  
Nois diamus àere finidu  
Bois diais àere finidu  
Issos / issas diant àere finidu

### **IMPERATIVU**

#### **Forma positiva**

Fini  
Finat  
finamus  
Finide  
Finant

#### **Forma negativa**

Non finas  
Non finat  
Non finamus  
Non finais  
Non finent

### **INFINIDU**

**Presente** Finire  
**Passadu** àere finidu

### **GERÙNDIU**

**Presente** Finende  
**Passadu** Aende finidu

### **PARTITZÌPIU PASSADU**

Finidu

## SAS CUNSONANTES

Sas cunsonantes: B D F G chi s'agatant a cumentzu de sas paràulas s'iscient semper, mançari chi cando si faeddàt non sunt pronunziadas:

<b>Naramus</b>
Aristanis est una <b>idda</b> manna
In Aristanis b'at una <b>omo</b> arta 60 metros
<b>Atos</b> in domo non nde tèngio
Serra sa <b>enna!</b>

MA.....

<b>Iscrivimus</b>
Aristanis est una <b>bidda</b> manna
In Aristanis b'at una <b>domo</b> arta 60 metros
<b>Gatos</b> in domo non nde tèngio
Serra sa <b>ghenna!</b>

Si podent iscrìere finas dòpias sas cunsonantes B D L M N R S ebbia

Pro ti nd'ammentare, sunt sas cunsonantes de sas paràulas: Lana sarda, M e B.

Sas àteras cunsonantes non s'adopiant cà in sardu non b'at "opositziones funtzionales": dòpias o nono, su significadu non mudat.

*Manu* – *mannu* / *caru* – *carru* / *sedà* – *sedda* > si nde pones duas, su significadu mudat.

*Totu* – *tottu* / *bucca* – *buca* / *avvenare* – *avelenare* > mançari nde pòngias duas, su significadu non mudat.

## SA PREPOSITZIONE "DE"

Si devet iscrìere semper, mançari non si pronunziet cando si faeddàt

<b>Naramus</b>
Sa mamma <b>'e</b> Màriu est betza
Bati.mi un'ampulla <b>'e</b> abba

MA....

<b>Iscrivimus</b>
Sa mamma <b>de</b> Màriu est betza
Bati.mi un'ampulla <b>de</b> abba

## SA VOCALE PARAGÒGICA

In sardu sas paràulas finint belle semper cun una cunsonante ma, cando si faeddāt, capitat de annàghere una vocale a s'ùrtima cunsonante, una vocale de apògiu, tzerriada paragògica (dae su greco *Paragoge*, chi cheret nàrrere annàghere). Sa vocale paragògica non s'iscriet mai!!.

<b>Naramus</b>
<b>In cussa classe bi sunt <b>fèminasa</b> ebbia</b>
<b>In ue <b>este</b> sorre tua?</b>

MA...

<b>Iscrivimus</b>
<b>In cussa classe bi sunt <b>fèminas</b> ebbia</b>
<b>In ue <b>est</b> sorre tua?</b>

## SA "D" EUFÒNICA

Sa paràula "*eufonia*" benit dae su greco e cheret nàrrere "boghe, sonu bellu". Est su de nche pònnere sa litera "D" intre duas paràulas pro dare unu sonu prus bellu a su chi si narat o cando bi sunt dificultades de pronùntzia.

<b>Naramus</b>
<b>So andada <b>cun d'una</b> sorre</b>
<b>Ddu bido <b>in donni(a)</b> logu</b>

MA...

<b>Iscrivimus</b>
<b>So andada <b>cun una</b> sorre</b>
<b>Ddu bido <b>in onni</b> logu</b>

## SOS ATZENTOS

S'atzentu impreadu in limba sarda est semper cussu grave (˘)

S'atzentu s'iscriet cando ruet:

- in s'ùrtima sillaba o vocale; in italianu custas paràulas sunt tzerriadas "ossitone" o "tronche": Torpè /Tor-**pè**/, Buddusò /Bud-**du-sò**/, tribù /tri-**bù**/;
- in sa tertzùrtima sillaba o vocale, in italianu sunt tzerriadas "proparossitone" o "sdruciole": òmine /ò-mi-**ne**/, pìbera /**pì**-be-**ra**/, fèmina /**fè**-mi-**na**/, tzùcuru /**tzù**-cu-**ru**/;

S'atzentu non s'iscriet cando ruet

- in sa penùrtima sillaba, est a nàrrere in sas paràulas "*parossitone*" o "*piane*" chi sunt sas prus presentes in sa limba: pra**tu**, culla**ra**, lents**olu**, turr**one**.

Ammenta: cando sas paràulas tenent prus de duas sillabas, custas si contant incumentzende dae s'ùrtima.

## TZ – Z

In sardu sa lìtera "Z" non s'adopiat mai.

Pro inditare ca su sonu est "*sonoro*", est a nàrrere chi, cando pronuntziamus, sas cordas vocales sunt a fondu a fondu e tremant, iscrivimus Z.

*Manzanu, anzenu, ànzelu,*

Iscrivimus "TZ", fintzas a cumentzu de paràula, cando su sonu est "*sordo*", est a nàrrere chi sas cordas vocales non tremant: *tziu, artziare, putzu, betzu.*

## SA LÌTERA "Q"

Cando s'iscriet in sardu sa lìtera "Q" non benit impreada, duncas **QU + vocale** furriat in **CU + vocale**. Iscrivimus *cuadru*, non *quadru*.

## S'AVÈRBIU "NO / NON / NONO"

S'avèrbu "NO" benit impreadu in dae in antis de paràulas chi incumentzant cun vocale sende chi impreamus "NON" in dae in antis de paràulas chi incumentzant cun consonante.

Ma iscrivimus NO in dae in antis de sos pronùmenes "LU, LA, L":

*Non dd'aguanto prus;*

*No ando ca non têngio gana;*

*No lu potzo fâghere;*

Cando est tònica, in positzione finale assoluta est NO o NONO:

*Ello nono!; Andadu ses? No(no).*

## SA CONGIUNTZIONE "NE / NEN"

Sa congiuntzione "NE/NEN", benit dae su latinu *Nec* e non portat mai atzentu ca non podet èssere cunfùndia cun àteras paràulas. Iscrivimus NE in dae in antis de paràulas chi incumentzant cun vocale.

Iscrivimus NEN in dae in antis de paràulas chi incumentzant cun consonante. Ma iscrivimus NE in dae in antis de sos pronùmenes "LU, LA, L".

*Ne ando, nen bèngio.*

*Ne lu biço ne lu penso!*

*Non chèrgio ne abba nen binu.*

## PRÒSTESI VOCÀLICA

Sa paràula "pròstesi" benit dae su grecu *próthesis* e cheret nàrrere a "pònneru in dae in antis", a nch'annàghere una vocale o una sillaba a cumentzu de paràula:

*rosa > arrosa – riu > arriu – roda > arroda.*

Non benit impreada cando s'iscriet in sardu ca non benit dae su latinu e no est connota e impreada in totus sas variantes de Sardigna; duncas est giustu a iscrìere: *rosa, riu, roda..*

## S'AGETIVU

Est sa parte de su discursu chi, a su sòlitu, andat paris a su nùmene e serbit pro ddu definire, pro nd'inditare sa calidade o cantidade.

Comente in italianu, s'agetivu mudat a segunda chi su nùmene siat fèminile o maschile, singulare o plurale.

*Maria est una pitzoca arta*

*Cussa fèmina est pitica; su pubiddu est unu bellu pitzocu*

### SU CUMPARATIVU

#### Agualidade

cantu , che, comentu, + su nùmene o pronùmene: *Tue non ses betzu cantu a mie; Ses bella che frone; Pedru istudiat comentu unu macu.*

#### Majoria

prus + agetivu: *Su figiu est prus tontu de su babbu.*

#### Minoria:

prus pagu + agetivu: *Su figiu est prus pagu tontu de su babbu.*

Faghe atenzione a s'agetivu e a s'avèrbu mègius / peus: *Issu no est mègius de a mie, tue non ses peus de issu.*

### SU SUPERLATIVU

dd'impreamus cando cherimus inditare sa calidade prus arta. Su superlativu podet èssere:

#### superlativu assolutu

dd'impreamus cando cherimus nàrrere chi sa calidade est sa prus arta e non b'at cunfrontu perunu; si podet fàghere in maneras diferentes:

- **repetende duas bortas s'agetivu:** *Cussu pitzocheddu est bonu bonu*

- **agetivu + a beru:** *cussu pitzocheddu est bonu a beru*

- **agetivu + meda:** *cussu pitzocheddu est bonu meda.*

#### superlativu relatu

dd'impreamus cando, mancaru sa calidade siat sa prus arta, benit cunfrontada cun àteros tèrmines:

**articulu determinativu + prus + agetivu:**  
*Cussu pitzocheddu est su prus bonu de sa classe.*

## SU PLURALE

Su plurale de nùmenes e agetivos si faghet annanghende una S a sa forma singulare, in sas paràulas chi finint cun A, E, I, O, finas cando portant s'atzentu:

- *Mesa* > *mesas*
- *Pane* > *panes*
- *Paneteri* > *paneteris*
- *Sero* > *seros*
- *Cafè* > *cafès*

Su plurale de sas paràulas chi finint cun sa lìtera U si faghet mudende sa U cun OS:  
*bonu* > *bonos*  
*logu* > *logos*

# S'ARTICULU

Comente in italianu,

s'articulu determinativu inditat pessone, cosa o animale determinada, est a nàrrere connota dae chie faeddāt o ascurtat:

*Su cane est in foras.* (ischimus de cale cane semus faeddende, mançari chi nd'amus giai faeddadu);

ma benit impreadu fintzas pro inditare cosas chi sunt ùnicas, non bi nde sunt àteras: *su sole iscaldit meda a mesudie;*

pro inditare una categoria: *su lione bivet in Àfrica*

a su postu de un'agetivu indefinidu, cando cheret nàrrere "ONNI": *deo ando a fàghere s'ispeša su sàbadu sero (onni sàbadu sero).*

S'articulu indeterminativu inditat una pessone, cosa o animale cale si siat, est a nàrrere chi no est connota dae chie faeddāt o ascurtat: *B'at unu cane in foras.*

S'articulu IS benit impreadu siat pro sos nùmenes maschiles siat pro cussos feminiles: *is òmines, is fèminas*

"Unos – unas" cheret nàrrere "prus o mancu", su nùmeru no est definidu o pretzisu: *b'at unos chentu pitzocheddos in cuss'iscola.*

# FAEDDOS CHI BENINT DAE ÀTERAS LIMBAS

Sos grupos CE, CI, CIA, CIO, CIV furriant in TZE, TZI, TZIA, TZIO, TZIU: *cinta>tzinta, cittadino>tzitadinu, ciuffo>tzufu, provincia>provintzia;*

Sos grupos GE, GI, GIA, GIO, GIU abarrant comentē sunt, non mudant: *gente > gente, giustizia > giustitzia;*

Su grupu GLI + vocale furriat in LLI: *maglione > mallione;*

Su grupu SCE, SCI furriat in ISCE, ISCI: *scena > iscena, sciroppo > isciropu;*

Su grupu GN + vocale podet abarrare comentē est o furriare in NNI: *campagna > campagna o campànnia.*

Ma faghe atenzione ca podes iscrìere **SARDIGNA** ebbia!

Artìculu determinativu	Artìculu indeterminativu
SU - SA	UNU - UNA-UN'
SOS - SAS - IS	UNOS - UNAS

## SA METĂTESI

In sardu non s'impreat sa Metàtesi, francu cussos casos in ue sa metàtesi est presente in totus sas variantes comente *intreu, freàrgiu*. Sa paràula metàtesi benit dae su grecu e cheret nàrrere "trasposizione", pònnera a pustis. Duncas b'at una metàtesi cando benit mudadu s'òrdine de duos fonemas. In linguistica sa metàtesi inditat su cambiamentu de postu de literas o sillabas in una paràula. Capitat cando in una paràula bi sunt sonos chi nde tirant o nde refudant àteros.

Capitat belle semper cun sa litera "r"

lat. *pĕtra(m)* > *pedra* (*non perda*)

e *duncas*:

bidru non birdu

pradu non pardu

## SA SEMI CUNSONANTE "J"

Sa semicunsonante prepalatale s'iscriet cun sa litera "j" comente in sas paràulas *maju, massaju, ruju*. Dd'agatamus belle semper in mesu ma, a bortas, dda podimus agatare a cumentzu de paràula comente in unos cantos nùmenes de geografia: (*Jugoslavia*) o de persone (*Juanni*). Naramus "semicunsonante" pro su sonu chi benit in antis de una vocale e cun custa format unu ditongu.